

# 1 JON

## *Anjam a boleq donaqa iga unem*

<sup>1</sup> Anjam a nambile unu. Anjam di nami soqnej. Anjam di iga quoqnem. Gago nãdamu na unoqnem. Gago ban na dego ojoqnem.

<sup>2</sup> Nãbile di boleq donaqa iga unem. Nãbile di gaigai sqas. Nãbile di aqa Abu wo sosiqa boleq donaqa iga unem. Deqa iga a qa nĩngi saĩgeqnum.

<sup>3</sup> Iga Anjam di gago nãdamu na unoqnem. Iga a quoqnem. Deqa iga a qa nĩngi saĩgeqnum. Di kiyaca? Nĩngi iga ti beterosim are qujaitosim sqajqa deqa. Agi nĩngi iga ti Abu Qotei aqa Niri Yesus Kristus wo nanĩgi aiyel beternjrsim nanĩgi koba na are qujaitosim unum.

<sup>4</sup> Iga nĩngi ti tulan areboleboleigwajqa deqa iga anjam endi nenĩrenĩyosim nunĩgoq qarĩnyonum.

## *Qotei a suwanõq di unu dego kere iga suwanõq di walweloqnom*

<sup>5</sup> Yesus Kristus a anjam endegsi mergonaq iga quem, “Qotei a pulon bul. Ambru bei aqaq di sosai.” Iga anjam di qusimqa agi nĩngi olo merĩgeqnum.

<sup>6</sup> Iga marqom, “E Qotei beteryosim a ombla are qujaitosim unum.” Degsi marsimqa ariya iga olo ambruq di walwelqom di iga gisaĩeqnum. Iga kumbra bole dauryosaieqnum.

<sup>7</sup> Qotei a suwanõq di unu dego kere iga suwanõq di walwelqom di iga Qotei aqa tamo unĩgasari kalil nanĩgi ti beterosim are qujaitosim sqom. Degsi

sqom di Qotei aqa Niri Yesus aqa leŋ aiyej qaji dena gago une kalil yansetgimqa iga aqa ŋamgalaq di tamo bole une saiŋoji sqom.

<sup>8</sup> Iga marqom, “E une yosaieqnum.” Degsi marqom di iga gago segi jejamu gisaŋyeqnum. Deqa anjam bole gago are miligiq di sqa keresai.

<sup>9</sup> Ariya iga gago segi une babtosis marqom, “Od, e une ti.” Degsi marqom di Qotei a iga uratgwasai. A kumbra bole tiŋtiŋ dauryosim gago une yansetgwas. Osim gago kumbra uge kalil taqal waiyimqa iga aqa ŋamgalaq di tamo bole une saiŋoji sqom.

<sup>10</sup> Iga marqom, “E nami une yosaiqnem.” Degsi marqom di iga Qotei aqa ñam ugetoqnsim a gisaŋ tamo qa minjobuleqnum. Deqa aqa anjam gago are miligiq di sqa keresai.

## 2

### *Yesus a gago aqaryaigo tamo*

<sup>1</sup> O ijo aŋgro kiñilala, niŋgi une yoqnaib deqa e anjam endi neŋgreŋyosim nuŋgoq qarinyonum. Ariya niŋgi qudei une yibqa aqaryaigo tamo Yesus Kristus a na niŋgi aqaryaiŋwas. Yesus agi aqa Abu ombla sosiqa gaigai kumbra bole tiŋtiŋ yeqnu.

<sup>2</sup> A gago une kobotetgosim Qotei aqa minjiŋ taqal waiyqajqa bej. A iga segi une kobotetgwajqa bosai. Tamo uŋgasari kalil mandamq endi unub qaji naŋgi dego une kobotetnjrqajqa bej.

*Tamo a Qotei qa qalieqas di a Qotei aqa anjam dauryoqnqas*

<sup>3</sup> Iga kiyersi endegsi qalieqom, “Bole, iga Qotei qa qalieonum”? E ubtosiy marqai. Iga Qotei aqa dal anjam dauryqom dena iga bole qalieqom.

<sup>4</sup> Tamo bei a marqas, “E Qotei qa qalieonum.” Degsi marqas ariya a Qotei aqa dal anjam dauryosaieqnu. Deqa tamo di a gisañ tamo. Aqa are miligiq di anjam bole sosai.

<sup>5-6</sup> Ariya tamo bei a Qotei aqa anjam dauryoqnqas di Qotei aqa qalaqalaiyqo kumbra tamo di aqa are miligiq di tulañ kobaoqnsim singilaoqnqas.

Tamo bei a marqas, “E Qotei beteryejunum.” A degsi marqas di a kumbra kalil Yesus yoqnej qaji di dauryosim yoqneme. Iga degyqom di iga qalieqom, iga Qotei beteryejunum.

<sup>7</sup> O ijo was bole, dal anjam e nengrenyonum qaji endi dal anjam bunuj sai. Endi dal anjam namij ningi nami quoqneb qaji.

<sup>8</sup> Ariya dal anjam e nengrenyonum qaji endi dal anjam bunuj dego. A anjam bole. A Kristus aqaq di sosisqa nuñgoq di dego unu. Di kiyaaqa? Ambru a koboqa laqnaqa suwañ a olo branteqnu deqa.

<sup>9</sup> Tamo bei a marqas, “E suwañoq di unum.” Degsi marqas ariya a na olo aqa Kristen was qudei nanği jeutnjreqnu. Deqa tamo di a suwañoq di sosai. A ambruq di unu.

<sup>10</sup> Tamo bei na aqa Kristen was nanği qalaqalainjroqnqas di iga unsim qalieqom, bole, tamo di a suwañoq di unu. Deqa une bei na a ulontosaieqnu.

<sup>11</sup> Ariya tamo bei na aqa Kristen was qudei nanği jeutnjrqas di iga unsim qalieqom, tamo di a ambruq di sosisq walweleqnu. Ambru na aqa

ņamdamu getentetqo deqa a sawa qabiteqnu di a qalieqasai.

<sup>12</sup> O ijo aņgro kiņilala, niņgi quiy. Kristus aqa ñam na Qotei a nuņgo une kalil kobotetņej. E deqa anjam endi neņgrenyosim nuņgoq qarinyonum.

<sup>13</sup> O abu niņgi quiy. Tamo nami soqnej agi bini unu qaji a qa niņgi qalieonub. E deqa anjam endi neņgrenyosim nuņgoq qarinyonum.

O aņgro wala, niņgi Satan gotraņyeqnub. E deqa anjam endi neņgrenyosim nuņgoq qarinyonum.

<sup>14</sup> O ijo aņgro, niņgi Abu qa qalieonub. E deqa anjam endi neņgrenyosim nuņgoq qarinyonum.

O abu niņgi quiy. Tamo nami soqnej agi bini unu qaji a qa niņgi qalieonub. E deqa anjam endi neņgrenyosim nuņgoq qarinyonum.

O aņgro wala niņgi quiy. Qotei aqa anjam nuņgoq di unu deqa niņgi siņgila ti sosib Satan gotraņyeqnub. E deqa anjam endi neņgrenyosim nuņgoq qarinyonum.

### *Niņgi mandam endeqa kumbra qalaqalaiyaib*

<sup>15</sup> O ijo was, niņgi mandam endeqa kumbra qalaqalaiyaib. Tamo a mandam endeqa kumbra qalaqalaiyqas di a Abu qalaqalaiyqa keresai.

<sup>16</sup> Mandam qaji tamo uņgasari naņgo kumbra agiende. Naņgi naņgo segi jejamu qa are prugnjqnaqa ñoro koba oqajqa mamaulnjreqnaqa tulaņ diqoqnsib laqnub. Kumbra di Abu aqaq na bosai. Di mandam endeqa kumbra.

<sup>17</sup> Mandam endi koboqas. Mandam endeqa are prugyoqa ti mamaulyoqa ti dego koboqab. Ariya tamo a Qotei aqa areqalo dauryoqnqas di a gaigai sqas.

*Bini Kristus aqa jeu tamo gargekoba nanġi branteqnu*

<sup>18</sup> O ijo anġro, diġo bati jojomqo. Niġi nami queb, Kristus aqa jeu tamo kobaquja a bqas. Bini Kristus aqa jeu tamo gargekoba nanġi branteqnu. Deqa iga qalieonum, diġo bati jojomqo.

<sup>19</sup> Jeu tamo nanġi di gago ambleq di sosib olo iga uratgosib jaraiyeb. Di kiyafa? Nanġi gago Kristen was bolesai deqa. Nanġi gago Kristen was bole qamu nanġi iga koba na unum qamu. Ariya nanġi iga uratgosib jaraiyeb deqa iga qalieonum, nanġi gago Kristen was bolesai.

<sup>20</sup> Niġi Qotei aqa Mondor Bole ejunub deqa niġi kalil powo ti unub.

<sup>21</sup> E anjam endi nenġrenjyosim nunġoq qarinyonum. Di kiyafa? Niġi anjam bole qalieonub deqa. Niġi anjam bole qaliesai e deqa are qalsim anjam endi nenġrenjyosai. Niġi qalie, anjam bole ti gisaġ anjam ti ombla kerekere sai. Anjam bole na gisaġ anjam bei babtqa keresai.

<sup>22</sup> Gisaġ anjam maro tamo nanġi tal qabe? E niġi merġwai. Tamo nanġi di endegsib mareqnu, “Yesus a Kristus sai.” Nanġi degsib maroqn-sib deqa nanġi Abu Qotei aqa Niġi wo qoreiyeqnu. Osib Kristus jeuteqnu.

<sup>23</sup> Tamo a Qotei aqa Niġi qoreiyqas di a Abu dego qoreiyqas. Tamo a Qotei aqa Niġi qa aqa areqalo siġilatqas di a Abu qa dego aqa areqalo siġilatqas.

*Qotei aqa Mondor na niġi anjam bole merġqanu*

<sup>24</sup> Anjam ningi nami quoqneb qaji di ningi olo singila na ojesoqniy. Ojesqab di ningi na Abu Qotei aqa Niri wo beternjrsib nanngi ti sqab.

<sup>25</sup> Nami Kristus na iga endegsi mergonaq quem, “E ningi n̄ambile engitqa ningi n̄ambile gaigai sqab.”

<sup>26</sup> O ijo was kalil, gisañ tamo nanngi na ningi gisañgwayqa laqñub. E deqa are qalsim anjam endi nenngrenyosim nunngoq qarinyonum.

<sup>27</sup> Ningi Kristus aqa Mondor eb agi nunngoq di unu deqa ningi powo qa truquosaieqñub. Deqa e anjam bei totoryosiy ningi mern̄gwasai. Mondor a segi na anjam kalil ningi mern̄geqnaq quoqnsib poñgeqnu. Mondor aqa anjam di gisañ sai. Di anjam bole. Deqa ningi Mondor aqa anjam di qusib poñgim Kristus beteryosib soqniy.

### *Iga Qotei aqa segi angro t̄int̄iñ unum*

<sup>28</sup> Od, ijo angro kiñilala, ningi Kristus beteryosib soqniy. Ningi degyqab di mondoñ a olo brantimqa ningi jemañgwasai. Ningi are singilatosib aqa ulatam̄uq di tigelesqab.

<sup>29</sup> Ningi qalie, Kristus aqa kumbra kalil tulañ bole. Deqa ningi endegsib qalieoiy, tamo kalil kumbra bole yeqñub qaji nanngi Qotei aqa segi angro t̄int̄iñ unub. Nanngi olo n̄ambabobulosib Qotei aqa angro branteb.

## **3**

<sup>1</sup> Gago Abu Qotei na iga tulañ qalaqalaigeqnu. A na iga aqa segi angro sqa marsiq giltgej deqa iga aqa angro t̄int̄iñ unum. Mandam qaji tamo nanngi Qotei qa qaliesai. Deqa nanngi iga qa dego qaliesai.

<sup>2</sup> O ijo was bole, iga Qotei aqa segi angro unum. Ariya mondon iga kiyersim sqom di iga geregere qalieosai unum. Iga qalie, Yesus a olo bamqa iga a unsim iga a bul sqom.

<sup>3</sup> Tamo ungasari kalil Yesus bam unqajqa tarineqnu qaji nanngi nanngo une olo urateqnu. Deqa nanngi Qotei aqa namgalaq di jiga saiqoji unub. Agi Yesus a segi jiga saiqoji unu dego kere.

<sup>4</sup> Une atqajqa kumbra ti dal anjam gotranjyqajqa kumbra ti di ombla kerekere. Deqa tamo ungasari une ateqnu qaji nanngi Qotei aqa dal anjam gotranjyqnu.

<sup>5</sup> Ningi qalie, Yesus a gago une kobotqa bej. A segi une saiqoji.

<sup>6</sup> Tamo bei a Yesus beteryesqas di a une atoqnqasai. Tamo bei a une atoqnqas di iga poigwas, a Yesus unosaieqnu. A Yesus qa qaliesai dego.

<sup>7</sup> O ijo angro kiñilala, ningi geregere nam atoqniy. Tamo bei na bosim ningi gisanngo uge. Ningi quiy. Tamo nanngi kumbra bole tintinj dauryeqnu qaji nanngi tamo bole tintinj unub. Yesus a tamo bole tintinj unu dego kere.

<sup>8</sup> Satan a nami une atoqnsiq boqnej agi bini a degyeqnu. Deqa tamo ungasari une ateqnu qaji nanngi Satan aqa angro unub. Ariya Qotei aqa Niri a Satan aqa wau kobotqa bej.

<sup>9</sup> Tamo bei a olo nambabobulosim Qotei aqa segi angro brantqas di a une atoqnqasai. Aqa are miligiq di Qotei aqa segi nambile unu deqa a une atoqnqa keresai. Di kiyaaqa? A Qotei aqa segi angro unu deqa.

<sup>10</sup> Tamo bei a Qotei aqa angro unu kiyo a Sa-

tan aqa angro unu kiyo di iga kiyersi qalieqom? E ubtosiy marqai. Tamo ungasari kumbra bole tintin dauryosaieqnuv qaji nanqi Qotei aqa angro sai. Tamo ungasari nanqo Kristen was nanqi qalaqalainjrosaeqnuv qaji nanqi dego Qotei aqa angro sai.

*Yesus na iga qalaqalaiyo kumbra osorgej*

<sup>11</sup> O ijo was kalil, iga segi segi qa qalaqalaiyo kumbra yoqnoqom. Anjam di ninqi nami queb.

<sup>12</sup> Deqa iga Kein aqa kumbra dauryqasai. Kein a Satan aqa tamo soqnej. A na aqa was Abel qalnaq moiyej. Kiyaqa a na aqa was qalnaq moiyej? Utru agiende. A kumbra uge yoqnej deqa. Ariya Abel a kumbra bole tintin yoqnej.

<sup>13</sup> O ijo was, mandam qaji tamo nanqi na ninqi jeutnjoqnuv qaji nanqi deqa prugosib ulaaib.

<sup>14</sup> Iga gago Kristen was nanqi qalaqalainjre-qnum deqa iga endegsi qalieonum, iga padalqa gam uratosim nambile gaigai sqajqa gamq di unum. Ariya tamo nanqi nanqo Kristen was nanqi qalaqalainjrosaeqnuv qaji nanqi padalqa gamq di unub.

<sup>15</sup> Tamo nanqi nanqo Kristen was nanqi jeutnjre-qnuv qaji nanqi len ojo tamo bul unub. Ninqi qalie, len ojo tamo nanqi nambile gaigai sqa keresai.

<sup>16</sup> Yesus a aqa segi nambile uratosiq iga qa moiyej. Aqa kumbra dena a na iga qalaqalaiyo kumbra osorgej. Deqa iga dego gago segi nambile uratosim gago Kristen was nanqi qa morenqom.

<sup>17</sup> Tamo bei a mandam endeqa inqi inqi koba ko-roiyosimqa ariya aqa Kristen was bei inqi saiqoji soqnim unsim a aqaryaiyqasai di iga endegsi



qalieqom, Qotei aqa qalaqalaiyo kumbra tamo di aqa are miligiq di sosai.

<sup>18</sup> O ijo angro kiñilala, ningi quiy. Iga laña anjam maro na Kristen nanngi qalaqalainjqom di kere-sai. Iga kumbra bole dego turtosim enjqonqom di kere.

*Iga Qotei aqa ulatamuq di are lawo sqom*

<sup>19-20</sup> Iga tamo ungasari nanngi qalaqalainjqom di iga endegsi qalieqom, iga anjam bole dauryeqnum. Deqa gago une bei na iga are gulbetetgwas di unqum, iga Qotei aqa ulatamuq di are lawo sqom. Qotei aqa qalie kobaquja. Aqa qalie dena gago are tulan bunyejunu.

<sup>21</sup> O ijo was bole, gago une bei na iga are gulbetetgwasai di iga are singilatosim Qotei aqa ulatamuq di tigelesqom.

<sup>22</sup> Osim iga ingi bei qa Qotei pailymqa a gago pailyo qusim ingi di egwas. Di kiyaaqa? Iga aqa dal anjam dauryoqnsim kumbra a areareteqnu qaji di yeqnum deqa.

<sup>23</sup> Qotei aqa dal anjam agiende. Iga aqa Niri Yesus Kristus aqa ñam qa gago areqalo singilatosim segi segi qa qalaqalaiyo kumbra yoqonqom. Qotei aqa dal anjam di a na nami iga mergonaq quem.

<sup>24</sup> Tamo bei a Qotei aqa dal anjam dauryqas di a Qotei beteryesqas. Qotei a kamba dego tamo di beteryesqas. Qotei na aqa Mondor iga egej deqa iga qalieonum, Qotei a iga betergejunu.

## 4

*Ningi na mondor kalil nanngi peginjroqniy*

<sup>1</sup> Tamo gargekoba nanği mandamq endi laqnsi-bqa endegsib mareqnub, “Iga Qotei aqa medabu o qaji tamo bole.” O ijo was bole, nanço anjam di gisañ. Deqa ningi nanço anjam di nuñço areqaloq di siñgilataib. Niñgi na mondor kalil nanği geregere peginjroqnsib dena niñgi qalieqab, nanği Qotei aqaq na beqnub kiyo sai kiyo.

<sup>2</sup> Tamo uñgasari Qotei aqa Mondor ti unub qaji nanği endegsib mareqnub, “Yesus Kristus a tamo bulyosiqa mandamq aiyej.” Dena niñgi qalieqab, tamo uñgasari nanği di Qotei aqaq na beb.

<sup>3</sup> Ariya Yesus a tamo bulyosiqa mandamq aiyej anjam di tamo uñgasari Qotei aqa Mondor ti so-sai qaji nanği saideqnub. Dena niñgi qalieqab, tamo uñgasari nanği di Qotei aqaq na bosai. Nanği mondor uge ti unub. Mondor uge di Kristus aqa jeu tamo kobaquja aqa segi mondor. Niñgi nami queb, mondor uge di a bqas. Agi a bosiq mandamq endi laqnu.

<sup>4</sup> O ijo angro kiñilala, niñgi Qotei aqaq na beb. Qotei aqa Mondor a nuñçoq di unu deqa niñgi na gisañ anjam maro tamo nanği gotrañnjreqnub. Qotei aqa Mondor a na mondor agi mandam tamo nançoq di unu qaji a tulañ bunyeqnu.

<sup>5</sup> Gisañ anjam maro tamo nanği di mandamq endena branteb deqa nanği mandam qa segi anjam mareqnub. Mareqnab mandam tamo nanği nanço anjam quoqnsib dauryeqnub.

<sup>6</sup> Iga Qotei aqaq na bem deqa tamo uñgasari Qotei qa qalieonub qaji nanği gago anjam quetgeqnub. Ariya tamo uñgasari Qotei qa qaliesai qaji nanği gago anjam quetgosaieqnub. Kumbra dena iga anjam bole qa Mondor ti gisañ mondor ti nanği

peginjroqnsim nanği qa poigeqnu.

*Iga Qotei qalaqalaiyqom di iga Kristen nanği dego qalaqalainjrqom*

<sup>7</sup> O ijo was bole, Qotei a qalaqalaiyo kumbra qa utru. Deqa iga gago Kristen was nanği qalaqalainjrqom. Tamo kalil qalaqalaiyo kumbra dauryeqnub qaji nanği olo nambabobulosib Qotei aqa segi angro tıntın unub. Deqa nanği Qotei qa qalieonub.

<sup>8</sup> Qotei a segi qalaqalaiyo kumbra qa utru. Deqa tamo bei a qalaqalaiyo kumbra dauryqasai di a Qotei qa qalieqa keresai.

<sup>9</sup> Qotei aqa Niri qujai unu. Qotei na a qarinyonaq mandamq aiyej. Deqa iga aqa nıam na nambile gaigai sqom. Kumbra dena iga osorgej, Qotei na iga qalaqalaigeqnu.

<sup>10</sup> Qotei a qalaqalaiyo kumbra qa utru. Deqa iga endegsi are qalqasai, iga namoqna Qotei qalaqalaiyem. Di sai. Qotei a namoqna iga qalaqalaigej. Osiqa aqa Niri qarinyonaq mandamq aisiqa gago une kobotetgosiqa Qotei aqa minjin taqal waiyej.

<sup>11</sup> O ijo was bole, Qotei na iga degsi qalaqalaigeqnu deqa iga kamba dego segi segi qa qalaqalaiyo kumbra yoqnqom.

<sup>12</sup> Iga nami Qotei aqa ulatamu unosaiognem. Ariya iga segi segi qa qalaqalaiyo kumbra yoqnqom di Qotei a gagoq di beteresoqnımqa aqa qalaqalaiyo kumbra di gago are miligiq di tulan kobaoqnsim sinğilaoqnqas.

<sup>13</sup> Iga kiyersim qalieqom, Qotei a gagoq di beteresonaqa iga kamba dego a beteryejunum?

E ubtosiy marqai. Qotei na aqa Mondor iga egej dena iga qalieqom.

<sup>14</sup> Abu na tamo ungasari kalil mandamq endi unub qaji nanqi elenqa osiq deqa aqa Niri qarinyonaq mandamq aiyej. Aqa kumbra di iga unsim deqa saoqnsim laqnum.

<sup>15</sup> Tamo bei a endegsi marqas, “Yesus a Qotei aqa Niri.” Degsi marqas di Qotei na a beteryesqas. Yimqa a dego Qotei beteryesqas.

<sup>16</sup> Iga qalieonum, Qotei na iga qalaqalaigeqnu. Qalieosim deqa iga Qotei qa gago areqalo singilateqnum.

Qotei a segi qalaqalaiyo kumbra qa utru. Tamo a qalaqalaiyo kumbra dauryqas di a na Qotei beteryesqas. Yim Qotei a dego tamo di beteryesqas.

<sup>17</sup> Beteryesoqnim qalaqalaiyo kumbra gago are miligiq di tulan kobaoqnsim singilaoqnaqas. Bole, iga mandamq endi unum. Ariya iga Yesus bulosim unum deqa mondon Qotei na iga pegigwa batiamqa iga are singilatosim aqa ulatamuq di tigelesqom.

<sup>18</sup> Tamo a qalaqalaiyo kumbra dauryqas di a ulaqasai. Aqa are miligiq di qalaqalaiyo kumbra tulan kobaoqnsiq singilaeqnu deqa ulaqajqa kumbra aqaq di sosai. Ulaqajqa kumbra aqa utru agiende. Tamo bei a are qaleqnu, “Mondon Qotei na e nolawotbosim awai uge ebqas.” A degsi are qaloqnsiq deqa a ulaeqnu. A degsi ulaeqnu deqa iga qalieonum, aqa are miligiq di qalaqalaiyo kumbra singilaosaiunu.

<sup>19</sup> Iga gago Kristen was nanqi qalaqalainjreqnum. Di kiyayaqa? Qotei a namoqna iga

qalaqalaigej deqa.

<sup>20</sup> Tamo bei a marqas, “E Qotei qalaqalaiyeqnum.” Degsi marqas ariya a na olo aqa Kristen was nanği jeutnjreqnu. A na nanği qalaqalainjro-saieqnu. Deqa tamo di a gisanj tamo. A na aqa Kristen was agi nanğo ulatamu gaigai uneqnu qaji nanği qalaqalainjro-saieqnu. Deqa iga qalieonum, a Qotei agi aqa ulatamu nami unosaiioqnej qaji a dego qalaqalaiyqa keresai.

<sup>21</sup> Tamo a Qotei qalaqalaiyqas di a aqa Kristen was nanği dego qalaqalainjreme. Dal anjam di iga Yesus aqaq na em.

## 5

### *Iga mandam endeqa singila gotranjyeqnum*

<sup>1</sup> Yesus a segi Kristus. Tamo nanği degsib maro-qnsib Yesus qa nanğo areqalo singilatqab di nanği olo nambabobulosib Qotei aqa anğro tintinj sqab. Tamo nanği Abu qalaqalaiyqab di nanği aqa anğro nanği dego qalaqalainjrqab.

<sup>2</sup> Iga Qotei qalaqalaiyosim aqa dal anjam dauryqom di iga qalieqom, iga Qotei aqa anğro nanği dego qalaqalainjreqnum.

<sup>3</sup> Qotei qalaqalaiyqajqa kumbra agiende. Iga aqa dal anjam dauryqom. Iga aqa dal anjam dauryqajqa di gulbe sai. Di oto.

<sup>4</sup> Tamo nanği olo nambabobulosib Qotei aqa segi anğro unub qaji nanği mandam endeqa singila gotranjoqnqab. Od, iga Qotei qa gago areqalo singilatqom di iga qoto bunyoqnsim mandam endeqa singila gotranjoqnqom.

### *Qotei na aqa Niri qa anjam babtej*

<sup>5</sup> Tamo kiyero nanği mandam endeqa siŋgila gotraŋyoqnqab? E ubtosiy marqai. Tamo nanği di mareqñub, “Yesus a Qotei aqa Niri.” Nanği deqsib maroqñsib Yesus qa nanžo areqalo siŋgilateqñub deqa nanği segi mandam endeqa siŋgila gotraŋyoqnqab.

<sup>6</sup> Yesus Kristus a bosıqa ya na yanso ej. Osıqa ŋamburbasq di moinaqa aqa leŋ aiyej. A ya na yanso oqajqa deqa segi bosai. A moiymqa aqa leŋ aiqajqa deqa ti bej. Qotei aqa Mondor a anjam bole qa utru. A Yesus Kristus aqa anjam babteqñu.

<sup>7</sup> Tamo qalub nanği Yesus aqa anjam babteqñub.

<sup>8</sup> Tamo qalub agiende. Mondor ti ya ti leŋ ti nanği qalub anjam qujaitosib Yesus aqa anjam babteqñub.

<sup>9</sup> Tamo laŋaj nanği ıga anjam mergwab di ıga qusim marqom, bole. Ariya Qotei na aqa segi Niri qa anjam ıga mergeqñu. Anjam dena tamo laŋaj nanžo anjam tulaŋ bunyejunu.

<sup>10</sup> Tamo nanği Qotei aqa Niri qa nanžo areqalo siŋgilatqab di nanği aqa anjam dego nanžo are milıgiq di atib sqas. Ariya tamo nanği Qotei aqa anjam deqa nanžo areqalo siŋgilatqasai di nanği na Qotei aqa ñam ugetosib Qotei a gisaŋ tamo qa minjobulqab. Di kıyaqa? Nanği Qotei aqa Niri qa anjam Qotei na ıga mergeqñu qaji di nanžo areqaloq di siŋgilatosaı deqa.

<sup>11</sup> Qotei aqa anjam agiende. A na ıga ŋambile gaıgai sqajqa marsiq ŋambile egej. Nambile di Qotei aqa Niri aqaq di unu.

<sup>12</sup> Tamo bei a Qotei aqa Niri beteryesqas di a ŋambile oqas. Ariya tamo bei a Qotei aqa Niri

beteryesqasai di a n̄ambile oqasai.

*Iga qalieonum, iga n̄ambile gaigai sqom*

<sup>13</sup> O ijo was, ningi Qotei aqa N̄iri aqa n̄am qa nungo areqalo singilateqñub. E na anjam endi nen̄grenyosim nun̄goq qarinyonum. Di kiyaaqa? Ningi bole qalieqajqa, ningi n̄ambile gaigai sqab.

<sup>14</sup> Iga ingi bei qa pailyqa osimqa iga Qotei aqa areqalo dauryosim pailyqom di a gago pailyo quqwas. Deqa iga ulaqasai. Iga are singilatosim Qotei aqa ulatamuq di tigelesqom.

<sup>15</sup> Iga qalieonum, Qotei a gago pailyo gaigai queqnu. Deqa iga ingi bei qa Qotei pailyimqa a na egwas.

<sup>16</sup> Ningi na Kristen was bei a une atim unsibqa ningi a qa Qotei pailyiy. A moiqaajqa une atosai deqa ningi a qa pailyibqa Qotei na aqa une kobotim a moiqasai. A n̄ambile sqas. Ariya Kristen tamo bei a moiqaajqa une atqas di Qotei na a qalim moiqas. Ningi a qa pailyqajqa e na mern̄gosai.

<sup>17</sup> Kumbra uge kalil tamo nan̄gi yeqñub qaji di une. Ariya une qudei qa Qotei na tamo nan̄gi moiyoñjrosaiqnu.

<sup>18</sup> Iga qalie, tamo un̄gasari Qotei aqa segi an̄gro unub qaji nan̄gi une atosaiqñub. Qotei aqa An̄gro Yesus a na nan̄gi taqatñjreqnu deqa tamo uge Satan na nan̄gi ugeugein̄jrqa keresai.

<sup>19</sup> Iga qalie, iga Qotei aqa segi an̄gro unum. Mandam qaji tamo un̄gasari kalil nan̄gi tamo uge Satan aqa sorgomq di unub. Deqa a na nan̄gi singila na taqatñjreqnu.

<sup>20</sup> Iga qalieonum, Qotei aqa N̄iri a bosiq iga powo egej deqa iga Qotei qa bole qalie. Iga Qotei

beteryejunum. Iga aqa Niri Yesus Kristus dego beteryejunum. Yesus a segi Qotei bole. A segi nambile gaigai sqajqa utru.

<sup>21</sup>O ijo angro kiñilala, ningi gisañ qotei kalil nanği torei qoreinjrsib sasaloiy.



**Yesus Aqa Anjam Bole 2000**  
**The New Testament in the Anjam language of Papua**  
**New Guinea, 2000 edition**  
**Nupela Testamen long tokples Anjam long Niugini,**  
**2000**

Copyright © 2000 The Bible Society of Papua New Guinea

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2001-01-01

---

PDF generated using Haiola and XeLaTeX on 18 Apr 2025 from source files dated 31 Aug 2023

6bd977a8-0139-583b-a367-c04faf6223cc